

元
秘
史
注

欽定四庫全書總目卷五十八雜史類提要

蒙古源流八卷乾隆九年奉

敕譯進其書本蒙古人所撰按年臚事首尾賅備頗與永樂大典所載元朝祕史體例相近

續提要

阮元學經室三集

元祕史十五卷不著撰人名氏其紀年以鼠兒兔兒羊兒等不以干支蓋卽國人所錄明黃虞稷千頃堂書目著錄十二卷明文淵閣書目字字號云元祕史一部五冊又一部同又云祕史續稿一部一冊又一部同並闕佚之本此依舊鈔影寫國語

旁譯記元太祖太宗兩朝事迹最爲詳備案明初
朱濂等脩撰元史急於蒞事載籍雖存無暇稽求
如是編所載元初世系李端义兒之前尙有一十
一世太祖本紀述其先世僅從李端义兒始諸如
此類並足補正史之紕漏雖詞語俚鄙未經脩飾
然有資考證亦讀史者所不廢也

思適齋集元朝祕史跋一首

元和顧廣圻撰

元朝祕史載永樂大典中錢竹汀少詹家所有卽
從之出凡首尾十五卷後少詹聞桐鄉金主事德
輿有殘元槧本分卷不同囑彼記出据以著錄於

元史藝文志者是也殘本主事嘗攜至吳門予首
見之率率未得寫就近不知歸何處頗用爲憾去
年授徒廬州府晉江張太守許見所收影元槧舊
鈔本通體完善今年至揚州遂憇恩古餘先生借
來覆影此部仍命校勘乃知異於錢少詹本不特
分元朝祕史十卷續集二卷一事也卽如首卷標
題下分注二行右忙豁侖紐察五字左脫察安三
字必是所署撰書人名銜而少詹本無之當依此
補正其餘字句行段亦往往較勝可稱佳本矣較
勘畢記其顛末如此若夫所以訂明修元史之疏

略少題跋考異中見其大槩引而伸之唯善
讀之君子茲不及詳論云

其非撰者人姓名
乃家言說亦頗
二語即秘史之家
古名也

元朝秘史卷一

一永樂大典本凡十五卷殘元槧本分卷
揚從大典出者也陽城張敦仁本從元槧足本影出作
十卷又續二卷今以錢校本為主而記其異同於題目
之下錢本無撰人名氏張氏影本有之蓋元代
撰訖殆非一刻故兩本互異今並注出之云

忙豁侖紐察

脫察安

右二行見影元槧本夾注題目之下元和
顧廣圻跋云必是撰書人所署名銜是也
文田案忙豁侖即蒙古氏也紐察其名或
與脫察安同撰此史或紐察乃脫察安祖
父之名脫察安蒙以為氏不
可考也聊補出之以存其舊

順德李文田注

當初元朝人的祖

元朝秘史卷一

文田案張本作元朝的人祖又案此書止於太宗之
代是時國號第稱蒙古今云元朝則譯書之人生於
世祖以後也元史世祖本紀曰至正八年十一月乙
亥詔曰頃者耆宿詣庭奏章申請謂既成於大業宜
早定於鴻名可建號曰大元取易乾元之義事從因
革道協天人

是天生一個蒼色的狼與一箇慘白色的鹿相配了。

國語周語曰穆王征犬戎得四白狼四白鹿以歸史
記周本紀張守節正義引賈逵國語注曰白狼白鹿
犬戎之職貢也漢書匈奴傳顏師古注曰山海經黃

此注多引各家古法
流以資報曰康
為人者甚走乃獨
不引而注引他書何
耶

帝生苗龍苗龍生融吾融吾生弄明弄明生白犬白
犬有二牝牡是爲犬戎許氏說文解字曰赤狄本犬
種也故字從犬文田案此皆元人自述其靈徵蓋三
古以前茫昧之說矣杜佑通典曰高車或云其先匈
奴之人也匈奴單于生二女姿容甚美單于曰此女
安可配人將以與天乃於國北無人之地築高臺置
二女乃有一老狼晝夜守臺嗥呼經時不去其小女
曰吾父以我與天而今狼來或是天處我乃下爲狼
妻而產子孫遂滋繁成國又曰突厥之先蓋匈奴之
別種或云其國先於西海之上爲鄰國所滅男女無

少長盡殺之。有一兒年十歲，棄於大澤中。有牝狼每銜肉至，因以不死。其後遂與狼交，狼有孕焉。負至於西海之東，止於山上。其山在高昌西北。後狼生十男，長大外託妻孕，其後各爲一姓。子孫蕃育，漸至數百家。又云：先出于索國，在匈奴之北。其一曰伊質泥斯都，狼所生也。泥都娶二妻，一孕而生四男，其大而訥都六，設眾奉爲主。都六生子，皆以母族爲姓。文田案：元氏之興，起於漠北。正高昌突厥故地，所云國於西海之上，正祕史騰吉思水也。負至西海之東，止於山上，與祕史渡騰吉思水至不而罕山語皆相應。是

此種山形不見於
他書而僅見於
此書其詳也

則羊腓字稷胤降生商元人祖述之書實卽通典所
本故舊唐書突厥傳曰小殺謂唐使袁振曰吐蕃狗
種唐國與之爲昏奚及契丹舊是突厥之奴亦尙唐
家公主今以蒙古源流攷之元人自祖吐蕃非祖突
厥在唐代曾尙文成公主及金城公主與唐書吐蕃
傳相合突厥小殺之論容是詆毀之詞顧祕史所述
旣於諸史有徵故薈萃羣言以存博識亦史家之外
篇也

同渡過騰吉思名字的水

今騰吉思湖名曰裏海者也何主事秋濤朔方備乘

其城錄又云西
穆必爾斯科之
西南相去五百
餘里俄國與土
爾冠特接境處
佛爾格河來自
東北此河俄人
名曰佛爾格河
土爾冠特國人
名曰厄擔爾河

曰滕紀思湖卽裏海東西廣八百里南北長一千數
百里圖閣讀麗琛異域錄曰土爾虎特國在鄂羅斯
薩拉托付之東南俱曠野西北兩面有佛兒格卽厄
濟兒河環流東面有宰河環流南面有滕紀斯湖厄
濟兒河宰河俱向南流歸入滕紀斯湖自薩拉託付
以至馬驚託海地方其間有三道塔爾魯河三道胡
班河及塔而渾並吳魯蘇屯之小河俱向西流入厄
濟兒河河之西岸自薩拉託付以至滕紀斯湖又有
鄂羅斯國屬之西喇喀穆什察里次噶喇斯諾岳爾
綽爾那雅爾阿斯塔爾漢諸城柏興自城池柏興以

異域錄所云斯
科乃部落之謂
圖理耶何氏秋
詩以爲今土爾
其回國

至馬驚托海地方西南一帶皆興安山嶺過此向西
行百餘里俱係圖理耶斯科國王拱喀爾汗所屬和
爾特兩國邊境人畜也

來到於幹難名字的河源頭不兒罕名字的山前住著
案元史太祖本紀自海都既立營帳於八刺合黑河
上此卽不兒罕山所出之河故名不兒罕河急讀之
則亦可譯寫爲八刺合黑河此卽幹難河卜居之始
矣紀又云帝會諸族宴於幹難河上始以幹難出名
明葉向高四裔考曰永樂八年追虜本雅失里及之

於幹難河幹難河者元太祖始興地也國朝長白

西清黑龍江外紀曰黑龍江發源蒙古喀爾喀部之

懇特山其上游蒙古謂之鄂倫河他書亦作敖嫩河

卽元史幹難河元太祖始興地也自此東北流經尼

布楚城之南入黑龍江省北境折而東南至黑龍江

城北九十里東南流會混同江入吉林境東入於海

欽定滿洲源流考曰黑龍江源出喀勒喀北

界肯特山土人謂之鄂嫩河折而東北流至尼布楚

城南一千餘里又三百餘里入黑龍江將軍界又東

南至吉林烏拉界會松花江入海齊侍郎召南水道

提綱曰直河套北二千餘里肯忒山脈西北自敖嫩
色禽嶺有東南一幹東爲忒勒兒几嶺又東爲卽龍
嶺又東起頂爲肯忒山甚高大北卽敖嫩河也又曰
必兒喀嶺卽肯忒山之東南幹山也今案鄂倫敖嫩
鄂嫩卽幹難之對音必兒喀卽不兒罕之對音
產了一個人名字喚作巴塔赤罕

巴塔赤罕蒙古源流作必塔察罕明王圻稗史彙編
卷十六曰匈奴之國其種有五一種黃毛者乃山鬼
與黃犝牛所生一種短項矮胖乃獼猴與野豬所生
一種黑髮白身者乃唐李靖兵遺種也一種名突厥

明李謝戒避湯
筆曰隸人稱中
胡皇帝為旱蓋
北人聲重而疾
古云可汗音近
旱耳

其先乃射摩舍利海神女與金角白鹿交感而生射
摩因手斬阿珍首領至今以人祭蠶一種乃塔巴赤
罕之種元朝祕史云蒼色狼與白鹿交所生二十五
世生帖木真是稱大蒙古稱皇帝世居沙漠東北六
千里後居陰山號韃靼地產牛馬無城池屋舍隨水
草以居俗尚射獵帖木真四世孫忽必烈居中國稱
帝

巴塔赤罕生的子名塔馬察

源流作特墨徹干後凡引蒙古源流者均省文曰源
流

塔馬察生的子名豁里察兒篋兒干

源流作和哩察爾墨爾根案篋兒干蒙古語善射也
知者元史忙哥撒兒傳曰祖搠阿精騎射太祖愛之
號爲默爾傑華言善射之尤者也傑與根音轉卽篋
兒干對音

豁里察兒篋兒干生的子名阿兀站孛羅溫

源流作阿固濟木博郭羅勒

阿兀站孛羅溫生的子名撒里合察兀

源流作薩里噶勒濟圖

撒里合察兀生的子名也客你敦

諸部要略作博
爾濟吉特台
錦吉省一音之
轉讀有緩急

源流作尼克尼敦

也客你敦生的子名擗鎖赤

源流作薩木蘇齊

擗鎖赤生的子名合兒出

源流作哈里哈爾楚

合兒出生的子名亭兒只吉歹篋兒干

源流作博爾濟吉台墨爾根

御批通鑑輯覽

曰按元史以奇渥溫爲元室之姓亦非也元之國姓
乃博爾濟錦氏今以蒙古源流訂正臣文田謹案監
本元史本紀太祖皇帝諱鐵木真姓奇渥溫氏館臣

今略開略四部
及厄魯特諸部
凡爲元太祖附
姓博爾濟吉特
氏者乃得授官
吉非元後則授
塔布囊

欽奉

聖訓改定諱特穆津姓卻特氏已足以

訂明臣之謬後得蒙古源流始据蒙古自述其宗派
爲博爾濟錦此卽李兒只吉之對音尋元史之沿誤
實起於陶宗儀南村輟耕錄其於開卷大元宗室世
系條烈祖神元皇帝諱也速該注云姓奇渥溫氏此
則史臣致誤之由又輟耕錄記蒙古氏族七十二種
旣無李兒只吉殆由枝派分散之故因亦無從知奇
渥溫之謬幸祕史猶在可以溯得姓之由同文之盛
足與源流相證也

李兒只吉歹篋兒干的妻名忙豁勒眞豁阿

源流作蒙郭勒眞幹哈屯案哈屯卽唐書之可敦譯

云夫人也忙豁當卽蒙古部族之所由始

他生的子名脫羅豁勒眞伯顏

源流作都喇勒津巴延元史語解曰巴延福也謂有

福氣之人

脫羅豁勒眞的妻名李羅黑臣豁阿

源流作博囉克沁郭幹哈屯

他有一箇家奴後生名李羅勒歹速牙勒必又有兩箇

好驕馬一箇答驛兒馬一箇李羅馬

正字通引臞仙肘後經曰驕割去勢國朝徐編修

明葉盛亦東日
記曰達達試馬
凡駒生百餘日
後以驕馬供山

贈驄見母奔
躍而上氣及
山流着上也
而後能至者
之再息而後
者則又次矣

松西域水道記曰蒙古語博羅青也

脫羅豁勒眞生二子一箇名都蛙鎖豁兒

源流作多幹索和爾

一箇名朶奔篋兒干

源流作多博墨爾根輟耕錄作脫奔咩哩犍元史從
之卽太祖之十一世祖也

都蛙鎖豁兒獨額中生一隻眼望見三程遠地的勢物
黑龍江外紀曰圖窪探路兵也官遠行察邊例有圖
窪爲前導其精幹者馬上望之能測數里外有無泥
水是否當迂路行亦一長也圖窪哨望之謂切讀成

一字乃合文田案鎖豁兒蒙古語一隻眼也知者明
王瓊北鹵事蹟曰嘉靖六年套虜鎖合兒伯通帥眾
一千七百餘騎到花馬池提督尙書王憲預調官軍
擊之賊遁出鎖合兒伯通死于陣鎖合兒華言一目
也云云鎖合兒卽鎖豁兒之對音矣勢物卽事物下
文卷八有管的事物語京師勢事音近隨意譯寫也
源流曰其得名多幹索和爾者因其卽堂中有一隻
眼能視三站之故也

一日都蛙鎖豁兒同弟朶奔篋兒干上不兒罕山上去
不兒罕山源流作布爾干噶拉圖納西域水道記曰

燕按 高
宗諭旨云蒙古
稱天為騰格里
即吞格利之對
有似宜引之廷
式案漢書謂匈奴
稱天子為撐
黎孤塗瑛黎亦
仰騰格里也此
匈奴古語之僅
存矣

凡山岡蒙古曰鄂拉即噶拉之轉也

都蛙鎖豁兒自那山上望見統格黎名字的河邊有一
叢百姓順水行將來

國朝張文端相國鵬翮奉使俄羅斯行程錄曰蒙古
稱天山曰吞格利然則統格黎河謂天河也源流作
通格里克呼魯歡影元槩本作統格黎克豁羅罕原
注豁羅罕小河也會典圖說曰哈拉河上源曰通克
拉河出右翼左末旗南流經庫倫南納魁河折西流
經右翼右末旗北納哈達瑪爾水南納多拉錫山水
博羅河折北流注鄂爾坤河

都蛙鎖豁兒說那一叢起來的百姓裏頭有一個黑車子前頭有一個女兒生得好若是不會嫁人呵索與弟朶奔筏兒干爲妻就教朶奔筏兒干去看了

朶奔筏兒干到那叢百姓裏頭看了這女兒名阿蘭豁阿果然生得好也不曾嫁人

輟耕錄作阿蘭果火元史從之語解改阿倫果幹源流作阿掄郭幹又作阿隆格幹哈屯又作和蘭郭幹通鑑輯覽注曰阿倫郭幹蒙古語多美之稱

那叢百姓是豁里刺兒台筏兒干一家

源流作郭哩岱默爾根

當初闊勒巴兒忽真地面的主人

源流稱和蘭郭幹爲高麗察罕汗所獻蓋以闊勒爲
高麗之對音文田案闊勒乃幹勒二字之對音金源
族姓也金史百官志曰凡白號之姓完顏夾谷幹勒
光吉刺皆封金源郡是幹勒爲金源之族姓與闊勒
對音也巴兒忽真者後文三卷脫黑脫阿順薛涼格
河走入巴兒忽真則其地在今恰克圖之北順色楞
格河北流瀦爲白哈爾湖此巴兒忽真地之在幹勒
河源西者也此巴兒忽真旣近後文所云之禿馬敦
又有貂鼠青鼠之產似今遼東地矣國朝方式濟

至源流所云高
麗則元代最重

高麗女子是其
 舊俗禁子爵草
 木子曰北人交
 使必得高麗女
 珍重家傳必得
 里麻不如此謂
 之不成仕宦又
 周恭王元宮詞
 云奇氏家居鴨
 綠渠盛年纔得
 位中宮楊祖和
 元宮詞云北草
 和休殿殿宮可
 麗女侍仕子官
 皆元人止而飛
 女子之遊折滑
 海三韓地以朝
 鮮交錯則閭閻
 亦仰高麗之轉

龍沙紀略曰枯輪海以南喀爾喀河以西巴爾虎地
 巴爾虎者喀爾喀中之一部也其戍此者闌入俄羅
 斯境大軍征俄羅斯來歸編旗充兵者二百四十
 人卽以其人爲佐領云云此巴兒虎卽巴兒忽之對
 音地之在幹難河源東者也元史本紀納眞于巴
 忽民家爲贅壻此卽祕史之巴兒忽眞地然則元
 先代多有與巴爾忽爲姻戚者厥後海眞取海都歸
 八刺忽之地止焉率八刺忽及怯谷之民其立爲君
 列營帳於八刺合黑河上跨河爲梁以便往來是元
 氏未遷幹難以前固嘗建庭於此似卽此巴兒忽眞

仇氏楊為林水中
日姓之一述在西北
下姓土族特也

矣黑龍江外紀曰巴爾呼鄂勒特皆蒙古也一作巴
爾虎亦有新舊之別在齊齊哈爾者舊巴爾呼也在
呼倫貝爾者新舊巴爾呼相聞而新者盛也

名巴爾忽歹篋兒干有一個女兒名巴兒忽眞豁阿
源流作巴喇郭沁郭幹

嫁與豁里禿馬敦部落的官人

禿馬惕者土默特之對音後文十二卷豁兒赤因禿
馬惕女子生得美卽此部也洪編修亮吉乾隆府廳
州縣志曰土默特二旗在喜峯口東北五百九十里
本古孤竹國漢置柳城縣屬遼西郡爲西部都尉治

晉咸康中燕慕容皝改爲龍城縣遂建都號和龍宮
元魏爲營州治隋復置柳城縣爲遼西郡治唐爲營
州都督府治後爲奚所据遼太祖平奚置興中府治
興中縣隸中京道元降爲州屬大甯路明初以內附
部長爲三衛指揮使自錦義厯廣甯至遼河曰奉甯
衛其後地爲蒙古土默特所据東至楊柳木牧廠西
至喀喇沁右翼南至盛京邊牆北至喀爾喀左翼及
敖漢自喜峯口至京師一千里國朝方恪敏觀承
松漠草詩曰今土默特卽明土木世祀告絕朝廷
擇部內一人授爲都統以領其眾居歸化城

名豁里刺兒台篋兒干爲妻在阿里黑兀孫地面

源流作阿哩克烏遜

生了這阿闐豁阿名字的女兒

豁里刺兒台篋兒干起來的緣故爲豁里禿馬敦地面
貂鼠青鼠野物

後漢書夫餘國出貂狝挹婁出好貂東沃沮有貂布
新唐書曰黑水靺鞨土多貂鼠五代史曰女真多黑
白黃貂鼠皮北方諸國皆仰足宋葉隆禮契丹國志
曰女真國土產青鼠貂鼠明一統志曰遼東土產貂
鼠青鼠皮俱東甯衛出稗史彙編曰契丹貴者披貂

裴以紫黑色爲次 國朝吳振臣甯古塔紀略曰飛
牙喀烏稽韃子其地不產五穀出魚及貂皮元狐黃
狐海螺黃鼠灰鼠水獺據此則祕史所云青鼠似今
灰鼠也

被自火裏禁約不得打捕的上頭

自火猶云自家今京師尙有此語龍沙紀略曰貂產
索倫之東捕貂以犬非犬則不得貂虞者往還嘗自
減其食以飼犬犬前驅停嗅深草間卽貂穴也伏伺
擒之或驚竄樹末則人犬皆息以待其下犬惜其毛
不傷以齒貂亦不復戕動納於囊徐俟其死入歲輸

一於官黑龍江外紀曰今之貢貂挹婁貂也布特哈人歲齎糧入山採捕利在大雪故秋卽去春始還往往難得說者謂貂見人走入穴者取之如探囊升木則稍難然守待旬日亦有到手之時惟匿石罅中則無計可施貂以榛子爲糧畜者多飼鷄肉性畏人近之瞠目切齒聲如鼠見捕常緣壁走承塵上狀如倒挂鳥其便捷雖猿無以過之也

煩惱了聽得不兒罕山野物廣有全家起來投奔不兒罕山的主人名晒赤伯顏因此就做了豁里刺兒姓此敘元代阿蘭果火太后外家得姓之由託始于后

父豁里刺兒台也輟耕錄蒙古氏族七十二種有郭
兒刺思色目三十一種有火里刺二族音俱相近此
殆卽蒙古之郭兒刺思一族若太祖本紀言諸部會
健河盟誓來侵者有火魯刺思部或卽色目一枝矣
朶奔篋兒干取了阿闌豁阿爲妻的緣故是這般
阿闌豁阿朶奔篋兒干取了爲妻的後頭生二子一個
名不古訥台一個名別勒古訥台

源流云生伯勒格特依伯袞德依卽二人名字之對
音雖長次互異而爲朶奔篋兒干之子則與祕史相
同惟南村輟耕錄無此二人彼云脫奔哱哩健妻阿

剛果火太后生三子曰博寒葛曰博合觀撒里吉曰
始祖孛端父兒按之祕史皆生於阿蘭寡後而朶奔
二子遂爾闕如文田案陶九成元代遺民明初耆宿
留神掌故號爲淹眈削彼二難存茲三絕豈不以力
微皇帝無復舅家夏侯銅鑲虛傳小吏於是孤存啟
石代諱空桑馮身莫濟其丹朱吞駟惟知其簡狄所
以沙陀克用無關射虎之家離石劉淵何與豢龍之
胃用是別裁五桂表襮三珠察其用心邈哉其可思
也洎景濂奉敕謀編稟承不易沿其限斷襲彼規繩
直以孛端方爲鼻祖自茲以上槩在刪除然而禰朶

韓則亂宗削阿蘭則無色於是推原夜寢鋪述神人
白光颺入於天窗金色來趨于卧榻神靈之允祇有
一人孔懷連枝強歸異父此則紛紜無定首鼠兩端
既乖祕史之真益昧輟耕之旨夫不夫而孕何解於
守貞妄易其文尤嫌於武斷昭代推尋蒙古自述
源流俗雖近于獠狽事若合於符節然則祖龍系謀
難舍嬴宗匈奴傳文仍追昌意揆之史例誰曰不然
且自古帝王胥由天授是以姜嫄履敏劉媪夢神凡
厥靈徵幾同野合未聞呱呱后稷不承帝嚳之家赫
赫漢高謂匪唐堯之後彼其疑誤後學繆亂史裁論

幹蠱而已非僭闕文而尤妄所謂秦人不死誣辭始
辨于苻生蜀老猶存枉筆方昭於陳壽者也今並取
裁祕史無取宗儀之稗說者焉

朶奔箴兒干的哥哥都蛙鎖豁兒有四子同住的中間
都蛙鎖豁兒死了他的四箇孩兒將叔叔朶奔箴兒干
不做叔叔般看待撇下了他自分離起去了做了朶兒
邊姓

亦作朶兒別乃聲之轉也輟耕錄蒙古氏族七十二
種有朶里別歹卽此後文四卷抹赤別都溫是其後
也

苟師元注有兀
良哈部今烏梁
海之轉音一
後乙亥今烏梁
海遊牧在西金
山南麓其地
兀良哈遊牧
東安明末其部
西徙鄂城考

在後一日朶奔篋兒干往脫豁察黑温都兒名字的山
上捕獸去於樹林內遇著兀良哈部落的人

元史語解曰温都兒高也明何喬遠名山藏曰韃靼
北胡也其地東至兀良哈西至瓦剌又曰兀良哈古
東胡地高辛氏之裔昔高辛氏游海濱過棘成闕遇
顓頊之墟樂之封其子厭越居焉邑於紫蒙之野號
曰東胡漢鮮卑唐吐谷渾宋契丹皆其地也在烏龍
江南漁陽塞北元時爲大甯路北境高帝既有天下
東夷遼王惠甯王朶顏元帥府各遣使來朝於是卽
古會州置大甯都司封子權爲甯王填之後置大甯

輟耕錄之博合觀撒里吉也源流作博克多薩勅濟

一箇名李端察兒

輟耕錄作李端義兒源流作李端察爾金史舊國語解曰李論出胚胎也滿洲源流考曰按蒙古語稱始祖爲勃端察爾此云胚胎弟以漢語鼻祖例之義自可通元史太祖本紀阿蘭果火夫亡寡居夜寢帳中夢白光自天窗入化爲金色神人來趨卧榻驚覺遂有娠產一子卽李端義兒也源流曰多博墨爾根卒後阿隆格幹哈屯每夜夢一奇偉男子與之共寢天

將明卽去如是者久之遂生三子陳經通鑑續編阿
蘭果火生二子寡居夜寢屢有光明照其腹又生三
子李端父兒其季也均與元史產一子之說不同可
證祕史之說又明李廷機大方通鑑云阿蘭夜寢屢
有光明照其腹一乳三子長曰李完合荅吉次曰李
合撒赤李端父兒其季也云云以爲一乳所生尤爲
誕妄又與諸書不合當以祕史爲可信焉

朵奔篋兒干在時生的別勒古訥合不古訥合兩個兒
子背處說俺這母親無房親兄弟又無丈夫生了這三
箇兒子家內獨有馬阿里黑伯牙兀歹家人莫不是他

生的麼道說聞他母親知覺了。

元史后妃傳曰成宗卜魯罕皇后伯岳吾氏駙馬脫里思之女伯岳吾即伯牙兀之對音源流曰有好事者謂之云從無寡婦生子之理其夫之連衿瑪哈賚常往來其家疑即此人伯勒格依伯衮德依二人遂疑其母。

春閒一日他母親阿闌豁阿煮著臘羊將五個兒子喚來跟前列坐著每人與一隻箭箴教折拆客人都折拆了再將五隻箭箴束在一處教折拆呵五人輪著都折不折。

魏書吐谷渾傳曰吐谷渾本遼東鮮卑徒河涉歸子也涉歸二子長曰吐谷渾徙上隴止抱罕暨甘松南界昂城龍洞從洮水西南極白蘭數千里中逐水草廬帳以居吐谷渾死有子吐延爲羌酋所刺有子十

二人葉延少而勇遂以吐谷渾爲氏死子碎奚立死子視連立死弟視罷立死子樹洛干幼弟烏紇題立死樹洛干立死弟阿豺立阿豺立兼并羌氏地方數千里臨死召諸子弟告之曰汝等各奉吾一隻箭折之地下俄而命母弟慕利延折之又曰汝取十九隻箭折之延不能折阿豺曰汝曹知否單者易折眾則

難摧戮力一心然後社稷可固云云阿蘭用意開合
囊規矣源流曰阿掄郭幹哈屯因給伊子箭桿一枝
命折之卽折而擲之旋給五桿命一并折之竟不能
折

因那般他母親阿蘭豁阿說別勒古訥台不古訥台您
兩個兒子疑惑我這三個兒子是誰生的您疑惑的也
是

您不知道每夜有黃白色人自天窗門額明處入來將
我肚皮摩挲他的光明透入肚裏去時節隨日月的光
恰似黃狗般爬出去了您休造次說這般看來顯是天

的兒子不可比做凡人久後他每做帝王呵那時纔知道也者

源流曰其母云汝等二人誤聽旁人之言疑我因語以夢中情事且云爾等此三弟殆天降之子也元史旣不取三子之說故本紀云孛端叉兒沉默寡言家人謂之癡獨阿闌語人曰此兒非癡後世子孫必有大貴者蓋宋濂等撰元史抄變其文

阿闌豁阿就教訓著說您五個兒子都是我一箇肚皮裏生的如恰纔五隻箭箝一般各自一隻呵任誰容易拆拆您兄弟但同心呵便如這五隻箭箝束在一處他

人如何容易折得折！

源流曰爾兄弟五人若不相和好各異其行卽如前一枝箭以勢孤而被傷若公同而行卽如後五枝箭勢眾則不能傷之

住閒他母親阿蘭豁阿歿了

母親阿蘭豁阿歿了之後兄弟五個的家私別勒古訥台不古訥台不忽合塔吉不合禿撒勒只四個分了

元史太祖紀曰阿蘭沒諸兄分家貲不及之

見孛端察兒愚弱不將他做兄弟相待不曾分與

源流曰後析產時僅給勃端察爾有迎鞍短尾鈐鬚

貉皮馬一匹外並未給與他物

李端察兒見他哥哥每將他不做兄弟相待說道我這裏住甚麼我自去由他死呵死活呵活因此上騎著一個青白色斷梁瘡禿尾子的馬順著幹難河去到巴勒諄阿刺名字的地面裏結個草庵住了

巴勒諄阿刺本紀作八里屯阿懶元史語解改巴爾圖鄂拉巴爾圖譯言有虎也鄂拉蒙古語山也西域水道記曰回語下山出口曰阿刺則阿刺山口也那般住的時分李端察兒見有箇雛黃鷹擎住個野鷄他生計量拔了幾根馬尾做個套兒將黃鷹擎著養了

本紀曰適有蒼鷹搏野獸而食李端父兒以緝機取之鷹卽馴狎源流曰彼處有一青色鷹搜野鴨而食結套得鷹卽放之而食其所獲之野鴨結一茅廬棲止度日

李端察兒因無喫的上頭見山崖邊狼圍住的野物射殺了或狼食殘的拾著喫就養了鷹如此過了一冬到春閒鵝鴨都來了李端察兒將他的黃鷹餓了飛放拏將得鵝鴨多了喫不盡挂在各枯樹上都臭了

太祖紀曰乃臂鷹獵兔禽以爲膳或闕卽繼似有天相之稗史彙編曰契丹俗以正月上旬射獵六十日

鑿冰釣魚冰泮卽縱鴈以捕鵝雁宋眞宗時晁迥
往賀生辰還言始至長泊泊多野鵝鴨國主射獵領
帳下騎聲扁鼓遶泊驚飛鵝起乃縱海東青擊之
都亦連名字的山背後有一叢百姓順著統格黎河邊
起來李端察兒每日開放鴈到這百姓處討馬奶喫晚
閒回去草庵子住宿

太祖紀曰居數月有民數十家自統急里忽魯之野
逐水草來遷李端父兒結茅與之居出入相資自此
生理稍足錢詹事大昕元史攷異曰統急里忽魯祕
史作統格黎克豁羅罕豁羅罕者小河也

那百姓問李端察兒索這黃鷹他不曾與兩家也不曾相問名姓只這般住了

李端察兒哥哥不忽合塔吉後來順著幹難河去尋他太祖紀曰一日仲兄忽思之曰李端父兒獨出而無

魔近者得無凍餒乎即自來訪邀與俱歸

行到統格黎河邊遇著那叢百姓問道有一個那般人騎著那般馬有來麼道

那百姓說有個那般的人那般的馬與你問的相似他再有一個黃鷹飛放著日裏來俺行喫馬奶子夜間不知那裏宿但見西北風起時鵝鴨的翎毛似雪般刮將

來想必在那裏住如今是他每日來的時分了你略等候著

源流曰常於鄂郭爾察克一族人家尋飲妳漿後其兄伯勒格特依前來尋弟訪問彼眾告云爾弟每日來此飲妳漿伊將來時每下雨爾姑待之語未畢天無片雲陣雨忽至四顧無人惟李端察爾自荒郊而來

略住閒望見一箇人來到呵果然是李端察兒他哥哥認得引將回去了

李端察兒點著馬隨他哥哥行閒說道人的身子有頭

呵好衣裝有領呵好說了。他哥哥不答應他。

孛端察兒再將前頭的言語說了兩遍。他哥哥纔說你兩三遍的言語。只是這般說意思裏如何。

孛端察兒回說。恰纔統格黎河邊。

源流稱其地爲鄂郭爾察克。

那一叢百姓無個頭腦。管束大小都一般容易取有。俺可以擄他。

太祖紀曰。孛端義兒中路謂其兄曰。統急里忽魯之民無所屬附。若臨之以兵可服也。兄以爲然。

他哥哥說。既是這般呵。到家裏去。哥哥弟兄每商量著。

御來擄他。

到家裏兄弟每商量了教李端察兒做頭哨。

太祖紀曰至家卽選壯士令李端義兒帥之前行果盡降之。

李端察兒哨到那裏將他一個懷孕的婦人拏住問他你是甚麼人氏有那婦人回道我是札兒赤兀惕阿當罕兀良合眞的人氏。

祕史凡稱惕稱歹皆部族之通名若今稱土伯特唐古特額魯特土爾扈特也惕惕同音今昔異用耳此與者勒篋同族皆兀良哈人而札兒赤兀氏其祖名

阿當曾爲一部之主故曰阿當罕

那其餘百姓他兄弟五箇都擄將回來了因這般頭口也有茶飯使喚的都有了

那懷孕的婦人李端察兒將他做了妻

源流曰招服鄂郭爾察克人眾內一懷孕婦人李端察爾娶爲妻室名曰勃端哈屯

生了一個兒子名字喚作札只刺歹

源流曰布丹哈屯貌美前所孕之子名幹齊爾台

後來札荅刺的人氏他便是他祖

見於祕史者如札木合札木勒合勒忽皆其後也

那札只刺歹的兒子名土古兀歹土古兀歹的兒子名
不里不勒赤魯不里不勒赤魯的兒子名合刺合荅安
合刺合荅安的兒子名札木合

卽他日與太祖爲友後爲太祖所殺者也

就做了札荅闌姓氏

札荅闌氏以札只刺歹之名爲氏非因札木合也蓋
蘭與刺聲轉祇一姓非有二族也

那婦人孛端察兒跟前再生一個兒子名巴阿里歹後
來做了巴阿鄰人氏的祖

巴阿鄰卽巴阿里因聲轉故譯字異文如脫幹鄰或

作脫幹里皆聲轉也輟耕錄蒙古氏族七十二種有
八憐卽此文巴阿鄰九卷以納牙爲巴阿里種卽此
姓後文豁赤兀孫老人閑閑搠思皆其後裔矣

那巴阿里歹的兒子名赤都忽勒孛闊赤都忽勒孛闊
娶的妻多兒子多生了因此上做了篋年巴阿鄰姓氏
別勒古訥台做了別勒古訥惕姓氏不古訥台做了不
古訥兀惕姓氏不忽合塔吉做了合塔斤姓氏

後文四卷偷太祖韁繩八卷從札木合處來降皆此
部族也輟耕錄蒙古七十二種姓氏有合忒乞蓋卽
合塔斤矣

不忽秃撒勒只做了撒勒只兀惕姓氏孛端察兒做了
孛兒只斤姓氏

源流作博爾濟錦卽孛兒只斤之對音也說詳上
孛端察兒又自取了個妻生了個兒子名把林失亦刺
秃合必赤

輟耕錄作八林昔黑刺秃合必畜元史本紀及表從
之源流曰布丹察爾旣娶布丹哈屯將伊所生之子
命名爲巴噶哩台汗之後裔哈必齊巴圖爾

那合必赤的母從嫁來的婦人孛端察兒做了妾生了
個兒子名沼兀列歹

太祖紀族人有照列部蓋卽出於沼兀列歹
孛端察兒在時將他做兒祭祀時同祭祀有來
有來者結束之詞今京師有此語

孛端察兒歿了後把林失亦刺禿合必赤

本紀曰孛端察兒歿了八林昔黑刺禿合必畜嗣
將沼兀列歹不做兄弟相待說道在家常川有阿當合
兀良合歹人氏的人往來莫敢是他的兒子祭祀時逐
出去了

阿當合卽前文阿當罕之對音兀良合歹卽兀良合
眞種族蓋孛端察兒懷孕婦人之外家常有人往來

故以此疑之

後來做了沼兀列亦惕姓氏

後文七卷有合里兀荅兒其後也元史世系表曰十祖世系錄曰寧端察爾收騰格哩呼喇人氏民戶時嘗得一懷妊婦人曰插只來自納之其所生遺腹兒因其母名曰插只來自後別爲一種亦號達剌以非始祖親子故不列之世表今按插只來自卽札只刺歹之對音是沼兀列氏非他族而他族反在札荅刺氏也合必赤的子名篋年土敦

元史本紀曰合必畜生子曰咩撚篤敵世系表作咩

歷篤斂輟耕錄作咩麻篤斂源流作瑪合圖丹又於其上增一代曰伯格爾巴圖爾是以篋年土斂爲合必赤之孫非合必赤之子矣與元史亦不合

篋年土斂生子七人

上文云赤都忽勒孛闊兒子多因此做了篋年巴阿鄰姓氏然則篋年者蒙古語多子也元史本紀曰咩撚篤斂莫孛倫生七子而寘

一名合赤曲魯克

輟耕錄敘元宗室世系咩麻篤斂七子長曰旣孛篤兒罕次某三某四某五某六某七曰納眞旣孛篤兒

罕生海都是既孛篤兒罕即合赤曲魯克也源流作哈齊庫魯克

一名合臣一名合赤兀一名合出刺一名合赤溫一名合闌歹一名納臣把阿秃兒

明岷嶺山人譚語曰俗以食生爲恥以捐生爲祀都即華言好漢也云云按把都即把阿秃之對音

納臣元史本紀作納真世系表曰納真今兀察兀秃其子孫也据史此七子惟納真爲贅婿於八刺忽民家得免於押刺伊而之難餘六子皆爲押刺伊而所滅

合赤曲魯的子名海都海都的母名那莫倫

元史紀作莫孛倫又以爲咩撚篤敵之妻則是莫孛

倫乃海都之祖母非母也相差一代源流無海都直云瑪哈圖丹生哈齊庫魯克哈齊庫魯克生星和爾多克新是伯升豁兒多黑申乃合赤曲魯克之子非合赤曲魯克之孫也亦差一代或因押刺伊而之難譜謀散佚得諸記憶致茲訛異

合臣的子名那牙吉歹

輟耕錄蒙古氏族有那牙乞台當出於那牙吉歹

那牙吉歹因他性兒好裝官人模樣就做了那牙勒姓氏

後文四卷有那牙乞人名種節

合赤兀的子名巴魯刺台

輟耕錄蒙古氏族有八魯刺忽

因他生的身子大喫茶飯猛的上頭就做了巴魯刺思
姓氏

今國朝有勇號之錫名曰巴圖爾又稱巴圖魯解

云好漢子卽此巴魯刺之謂也元文類張士觀駙馬

昌王阿失碑曰霸突譯云驍勇也又馬祖常太師太

平王燕帖木兒碑曰八都兒者華言猛士也元史兵

志曰勇敢無敵之士曰拔突巴圖拔突霸突八都皆

一聲之轉其事指喫茶飯猛則時人謔辭猶俗云酒

此當註入把
阿兒句下

囊飯袋虛有其表也

合出刺的子也喫茶飯猛喚做大巴魯刺小巴魯刺
輟耕錄敘元世系以大八魯刺斯出於葛忽刺急里
怛小八魯刺斯出於合產兩人皆散必乃之子卽祕
史之屯必乃薛禪也與祕史不同

額兒點

點疑點字之誤

圖巴魯刺脫朶顏巴魯刺將這四個名

就做了姓氏合闡歹的兒子爭粥飯無上下因此就做
了不荅安惕姓氏合赤溫的兒子名阿荅兒歹兄弟中
間好閒謀就做了阿荅兒斤姓氏

輟耕錄蒙古氏族有阿大里吉歹阿塔里吉歹阿塔
元朝祕史 卷一

力吉歹皆出於此

納臣把阿秃兒生二子一名兀魯兀歹

兀魯兀歹今之額魯特種疑其後也近阿勒坦山及
伊犁哈薩克處皆有之輟耕錄云今兀察兀脫卽納
真子孫也所載元人氏族蒙古七十二種有曰兀魯
兀曰兀羅歹曰兀魯歹皆此一姓所分也元史朮赤
台傳曰其先刺真八都以材武雄諸部生子曰兀魯
兀台曰忙兀與札刺兒宏吉刺亦乞列思等五人當
開創之先協贊大業

一名忙忽台

松漢紀聞曰高
骨子班丹事遊
謂之摩古國即
唐書所謂摩元
部

本紀曰帝寬仁
時戰人以義馬
苦此元諸部皆
於其來降則太
祖始非蒙古也

忙忽即蒙古二字之對音。轍耕錄蒙古七十二種有
忙兀歹。又有忙古歹。皆此一姓也。元史畏答兒傳曰
其先刺真八都兒有二子。次名忙兀。始別為忙兀氏。
刺真即納臣也。八都即把阿秃矣。

就做了兀魯兀惕忙忽惕二姓氏。

元人之得天下。多得于兀魯兀蒙古二部族之力。居
多兀魯兀惕。其著於祕史者。有主兒扯歹。忙忽惕。其
著於祕史者。有哲台。有多豁勒忽。有忽亦勒答兒。皆
此族也。蒙韃備錄曰。韃國所鄰。前有糾部。左右有沙
陀等部。為患舊有蒙古斯國。在金人天會間。亦嘗擾

金虜金虜嘗與之戰

納臣把阿忒兒自娶的婦人又生二子一名失主兀歹
一名朶豁刺歹

海都生三子一名伯升豁兒多黑申

元史本紀作拜姓忽兒源流作星和爾多克新世系
表及輟耕錄作拜住忽兒佳字不對音當是生字或
性字之譌

一名察刺孩領忽

輟耕錄作察刺罕甯兒

一名抄眞豁兒帖該

輟耕錄作獮忽真兀禿迭葛。

伯升豁兒多

黑

申生了一子名屯必乃薛禪。

本紀及表作敵必乃輟耕錄作敵必乃直拏斯源流作託木巴該徹辰元史畏荅兒傳曰薛禪者聰明之謂也。

察刺孩領忽生子名想昆必勒格。

想昆卽遼史之詳穩語解作詳袞謂辦事官後文王罕之子亦號桑昆則想昆桑昆皆同音也遼史有諸乾詳袞一員從五品掌守戍邊堡金史世紀曰遼太祖命穆宗爲詳穩又金史百官志曰鎮撫邊民之官

曰禿里烏魯圖其下有詳穩

想昆必勒格生子名俺巴孩就做了泰亦赤兀惕姓氏
太祖本紀作咸補海罕卽俺巴孩之轉音也泰亦赤
兀惕本紀稱族人泰赤烏部者是也泰亦赤者台吉
之合音猶云太子也兀惕者猶云種類也

察刺孩領忽收嫂爲妻

輟耕錄曰卽收兄拜住忽兒妻漢書匈奴傳曰匈奴
父死妻其後母兄弟死盡妻其妻明岷峩山人譯語
曰胡俗婦喪夫其家男子卽收爲妻妾父子兄弟不
論也他適則人笑其不能贍其婦

又生一子名別速台就做了別速惕姓氏

輟耕錄蒙古氏族有別速歹後文有巴刺合亦有迭該有窟出沽兒皆其後也

抄真斡兒帖該

斡字上文作豁同音字也輟耕錄曰獠忽真兀禿迭葛今昔卽兀刺其子孫也

生子六人一名斡羅納兒一名晃豁壇

輟耕錄蒙古氏族有晃忽攤又有晃兀攤皆對音字也

一名阿魯刺惕

輟耕錄有阿刺刺又有阿兒刺歹

一名雪你惕一名合卜秃兒合忽一名格泥格思就做
了這六等姓氏

後文之只兒豁安則斡羅訥氏後也若察阿合若蒙
力克若雪亦客秃若速客該者溫若捏兀歹若察合
安不洼則晃豁壇後也若斡歌連則阿魯刺後也若
忽難則格泥格思後也

屯必乃薛禪生二子一名合不勒合罕

本紀作葛不律寒卽太祖之曾祖也輟耕錄世系表
曰敵必乃六子曰葛木虎今那哈合兒其子孫也曰

葛忽刺急里怛今大八魯刺斯其子孫也曰合產今
小八魯刺斯其子孫也曰哈刺刺歹今博歹阿替其
子孫也曰葛赤渾今阿荅里急其子孫也曰葛不律
生七子云云葛不律與元史合餘六子均與祕
史不合

一名擣薛赤列擣薛赤列的子不勒帖出把阿秃兒合
不勒生七子

源流作哈布勒汗

一名斡勤巴兒合

黑

輟耕錄作笛八斤八刺哈哈又曰今岳斯斤其子孫

也世系表曰巢斤八刺哈哈今岳里斤

一名把兒壇把阿禿兒

本紀作八哩丹表及輟耕錄作八里丹太祖之祖也
源流作巴爾達木巴圖爾元史兵志曰忠勇之士曰
霸都魯按把阿禿兒巴圖爾卽霸都魯對音

一名忽禿黑禿蒙古兒

後文第四卷序太祖世次作忽禿黑禿蒙列兒輟耕
錄作忽都魯咩聶兒今案咩聶兒與蒙列兒音較合
則古字爲傳寫之譌

一名忽圖刺合罕

輟耕錄作忽魯刺罕。

一名忽闌。

輟耕錄作急闌八都兒。

一名合答安。

輟耕錄作合丹八都兒。

一名脫朶延幹惕赤斤。

元史作脫端輟耕錄作掇端幹赤斤其稱幹赤斤者
本書凡數見之皆以少子蒙此稱疑當時蒙古語小
王子爲幹赤斤也。

幹勤巴兒合黑的黑子名忽禿黑禿主兒乞。

元明必記

卷一

差

巴兒合黑史作八刺合滿洲源流考曰新唐書渤海
俗謂王曰可毒夫按蒙古語謂福曰呼圖克唐古特
語謂再來人曰胡土克圖元時曾用爲帝號則可毒
夫或卽胡土克圖之譯音展轉傳訛則忽禿黑禿乃
胡土克圖之對音無可疑也主兒乞以後文四卷攷
之乃無敵之稱

忽禿黑禿主兒乞生二子一名薛扯別乞

別乞猶今回部之伯克也薛扯元史作薛徹

一名台出

太祖紀曰昔者吾國無主以薛徹大丑二人實我伯

太嘯乃泰亦出元之
對音非太丑也

祖八刺哈之裔大丑卽台出也又畏答兒傳曰時太
嘯強盛其兄畏翼率屬歸之畏答兒力止不聽追之
又不肯還畏答兒乃還事太祖所云太嘯卽大丑之
對音

他每做了主兒乞姓氏

主兒乞氏後爲太祖所滅然輟耕錄蒙古氏族七十
二種尙有朮里乞及朮里歹皆主兒乞對音字也則
猶有存矣

把兒壇把阿禿兒生四子一名忙格禿乞顏

元史表及輟耕錄作蒙哥睹顏源流作孟格圖徹

辰

一名捏坤太子

元史表及輟耕錄作聶昆大司源流作納袞泰實

一名也速該把阿秃兒

元史紀作也速該卽元太祖之父烈祖神元皇帝也

源流作伊蘇凱巴圖爾

一名答里台幹赤斤

輟耕錄作答里眞答里眞子曰火納耶耶生小哥王

及甯王闌闌出闌闌出生也里干王源流作達哩岱

諤濟錦

文田按赤斤與
濟錦皆官人之
稱也里眞要曰
突提切奴之別
種所居亦無異
之故地每部皆

按其云侯斤
即史之赤斤
又即源流之赤
斤也赤斤上加
幹字者小官人
也

按字別與謀音
皆不近未知其
審

真語云蒙古語不
可尋命

忽禿黑禿蒙古兒生一子名不里孛闊

元史本紀作播里後文四卷又作不里孛可

于幹難河邊筵會時將太祖的弟別勒古台的盾甲砍
破的便是這不里孛闊

事見後文四卷別勒古台紀作別里古台案字闊及
孛可與前文別克皆音義相同金史百官志曰諸謀
克從五品掌撫輯軍戶訓練武藝疑謀克急讀亦即
別克同音矣

忽圖刺合罕生三子一名拙赤

後文太祖長子亦曰拙赤則拙赤者猶云大太子也

一名吉兒馬兀一名阿勒壇

阿勒壇本紀作按彈

忽闌把阿禿兒的子也客扯連

按後文六卷以也客扯連為塔塔兒種人若以譜系

攷之則也客扯連乃烈祖之從兄弟也豈塔塔之與

達達本非兩種乎

有兩個奴婢一名把歹

後文六卷所稱放馬人巴歹即其人也

一名乞失黎黑

太祖紀作乞力失當作乞失力蓋本紀多采皇元聖

廷武案卷六之也客扯連凡二種人一名塔塔兒一名吉兒馬兀此也
山我既同於國也
注中使易識別
也
塔塔與達達斷非一種原注列引太祖白稱一條似不可刪也客扯連之馬

大啟昔禮以其
情輸於太祖故
太祖得全此非
兩人只有一人
而已

武親征記此書鈔錄脫落顛倒不一而足惟元史哈
刺哈孫列傳作啟昔禮可證其當作乞失力也
後來到太祖時都教做了荅刺兒罕官人

哈刺哈孫列傳云擢爲千戶賜號荅刺罕元文類有
劉敏中丞相順德王忠獻王哈刺哈孫碑曰曾祖啟
昔禮贈推忠佐命宣力功臣太師開府儀同三司上
柱國追封順德王諡忠武重厚有英才遇太祖皇帝
於飛龍見躍之際知可汗將襲之趣告帝爲備果至
我兵縱擊大敗之以功擢千戶賜號荅刺罕譯言一
國之長帝謂侍臣彼家不識天意故來相害是人告

我殆天所使我許爲自在荅刺罕矣因賜御帳什器及宴飲樂節如宗王儀元史哈刺哈孫傳記啟昔禮事較此爲簡所云可汗卽祕史王罕名脫斡璘者也馬祖常太平王燕帖木兒碑曰荅刺罕華言世貸之也

惟合荅安脫朶延兩個無子嗣

脫朶延他日之乘太祖歸秦赤烏部者

眾達達百姓

宋黃震古今紀要逸編曰韃靼與女真同種皆韃靼之後其居混同江者曰女真其居陰山北者曰韃靼

韃靼之近漢者曰熟韃靼其遠於漢者曰生韃靼生
韃靼有二曰黑曰白皆事女真黑韃靼至武沒真叛
之自稱成吉思皇帝又有蒙古國者在女真東北至
我嘉定四年韃靼始并其名號稱大蒙古國文田案
祕史有稱塔塔兒者有稱達達者達達卽韃靼大率
克魯連河以東爲金人地則稱塔塔克魯連河以西
色楞格河以東爲元人地則稱達達也宋孟珙蒙韃
備錄曰韃靼始起地處契丹之西北族出於沙陀別
種故於歷代無聞焉其種有三曰黑曰白曰生所謂
白韃靼者顏貌稍細所謂生韃靼者甚貧且拙且無

能爲但知乘馬隨眾而已今成吉思皇帝及將相大臣皆黑韃韃也大抵韃人最長者不過五尺二三寸其面橫闊而上下有顴骨眼無上紋髮鬚絕少形狀頗醜惟今韃主武沒眞人物雄壯所以異也

合不勒皇帝著來

蒙韃備錄曰韃國所鄰前有乂族左右乃沙沱等部舊有蒙古斯國在金人僞天會閒亦嘗擾金虜爲患金虜嘗與之戰後乃多與金帛和之云云按此知蒙古斯國卽祕史合不勒稱汗事蓋當金太宗熙宗兩主天會閒也錄又引李大諒征蒙記曰蒙人嘗改元

此種汗名不過一譯
落之而長如法之
不以未始自稱之
合不勒時已有年
于

紹興紀年至宋
亡至近者亦百
二十年始及二
字似相誤

天會自稱太祖元明皇帝琪嘗討究於彼聞蒙已殘
滅久矣云云案孟珙著書以辛巳爲今年計當宋甯
宗嘉定十四年金甯宗興定五年而元太祖改元之
十九年也諸書敘蒙古改元天興在熙宗皇統七年
而蒙人改元稱帝早已在前殘滅則天興一號卽是
合不勒無可疑者又案宋岳珂程史亦引李大諒征
蒙記以證兀朮之封梁則李大諒作征蒙記在高宗
紹興年間其去元世祖滅宋殆及百年知合不勒與
俺巴孩事皆在南渡時蓋金源南伐之日螳螂捕蟬
不知黃雀之在後而西北邊防空缺遂有蒙人起而

爲卧榻之側也然是時金人尙強故能滅蒙古虜俺

巴孩中隔數十年始有元太祖之事

合不勒皇帝雖有七個兒子都不曾委付卻教想昆必勒格的孩兒俺巴孩管了

想昆必勒格乃合不勒之從叔俺巴孩與合不勒爲再從兄弟與之共曾祖海都者也案本紀葛不律寒歿子八哩丹嗣八哩丹歿子也速該嗣史所云葛不律寒卽此文之合不勒罕也以此文考之合不勒罕七子其二把兒壇其四忽圖刺合不勒歿舍其七子不立而立從弟俺巴孩本紀稱爲咸補海罕者也咸

補海罕爲金人所虜。立忽圖刺合罕。元紀所謂金殺帝宗親咸補海罕。帝欲復仇。卽補敘其事也。雖烈祖有救王罕事。然烈祖本未爲罕。故稱把阿秃兒。與今所謂巴圖魯者相同。旣非稱罕。亦未嗣位也。本紀以也速該爲嗣位者。明代撰元史者之誤也。當以祕史爲信。

捕魚兒海子

今蒙古喀爾喀部克魯倫河所匯之澤。水道提綱謂之布伊爾湖。亦謂之布育里鄂模者也。今名貝爾池。明人稱爲捕魚兒海。葉向高四裔考曰。洪武二十一

搜有布雨二字
始知捕兒爲布
雨之對音字而
布雨意呼成其
字也

年夏永昌侯藍玉爲征虜大將軍率兵由大甯進至
慶州聞虜主脫古思帖木兒在捕魚兒海亟薄之虜
不意師至大驚遁去卽其地也 國朝西清黑龍江
外紀曰貝爾池亦作布雨爾池國語布雨二字切讀
成貝故並存之古名捕魚兒海方數百里亦產鹽在
烏拉總管處西南三百五十里蒙古境內之喀爾喀
河是其源北流爲烏爾孫河則呼倫池水之所會也
案烏爾孫卽下文元兒失溫之對音布雨兒卽捕魚
兒之對音也

闊連海子

明金幼孜北征錄曰永樂八年六月初二日午經闊
灤海子上令往觀去營可五六里有山如長隄以限
水海子甚闊望之無畔岸遙望水高如山但見白浪
隱隱自高而下上曰此水周圍千餘里幹難臚胸七
河注其中故大也水道提綱曰枯倫湖卽古俱倫泊
亦曰闊灤海子者也今名呼倫池黑龍江外紀曰呼
倫池古名俱輪泊唐書室韋西有烏素固部當俱輪
泊之西是也明謂闊灤海子源出懇特山陽東流爲
克勒倫河古名臚胸河至黑龍江烏拉總管駐處之
西二百五十里會烏爾孫河之水滙爲池方數百里

產五色鹽不煮可食

兩個海子中閒的河名兀兒失溫

今喀爾喀河源出蒙古特爾根山流入貝爾池又從
貝爾池東出爲鄂爾順河水道提綱謂之烏順河黑
龍江外紀作烏爾孫河兀兒失溫卽烏順與鄂爾順
烏爾孫皆對音也

那邊住的塔塔兒一種人

輟耕錄蒙古七十二種氏族有塔塔歹有塔塔兒均
卽此也今地圖塔里泊之南有卡倫名哲格勒圖是
其地也塔里卽塔塔里此泊以塔塔兒得名矣元時

明岷山入譯
語曰漢以來句
取頗盛後稍弱
而烏桓興滋未

鮮卑滅烏桓時
有其地後魏時
蠕蠕獨強與魏
為敵蠕蠕滅而
突厥起蓋有西
北地唐貞觀中
李靖滅之五代
及宋契丹復為
別部小者曰奚
古曰泰亦烏曰
塔塔兒曰克列
各據分地既而
蒙古並井有之
顧祖禹方輿紀
要曰應昌城在
開平故衛東北
二百里元置應
昌路領應昌縣
明金幼孩後北
征記曰清平鎮

本亦名答兒海子特薛禪列傳曰至元七年幹羅陳
萬戶及其妃囊加真公主請于朝曰本藩所受農土
在上都東北三百里答兒海實駐夏之地可建城邑
以居帝從之遂名其城為應昌府二十二年改為應
昌路大德元年名其城為全甯路

俺巴孩將女兒嫁與他親自送去被塔塔兒人拏了送
與大金家

此金世宗大定閒事也金史本紀曰金之先出靺鞨
氏本號勿吉古肅慎地也元魏時勿吉有七部唐初
有黑水靺鞨粟末靺鞨開元中置黑水府其後渤海

盛強黑水役屬之五代時契丹盡取渤海地黑水屬於契丹其在南者籍契丹號熟女直在北者號生女直金之始祖諱函普生二男長烏魯次幹魯烏魯子跋海跋海子綏可綏可子石魯石魯子烏古迺自始祖至此六世矣第二子是爲世祖劾里鉢卒母弟肅宗頗刺淑襲卒母弟穆宗英格襲卒兄子烏雅舒襲卒世祖第二子阿骨打襲爲都勃極烈遼人嘗言女直兵滿萬則不可敵至是始滿萬云收國元年正月壬申朔卽皇帝位上曰遼以鑲鉢爲號終亦變壞惟金不變不壞於是國號大金蒙韃備錄曰韃人在本

國時金虜大定閒燕京及契丹地有謠言云韃靼去
趕得官家沒處去葛酋雍宛轉聞之驚曰必是韃人
爲我國患乃下令極於窮荒出兵剿之每三歲遣兵
向北剿殺謂之滅丁迄今中原盡能記之韃人逃遁
沙漠怨入骨髓至僞章宗立明昌年間不令殺戮以
是韃人稍稍還本國添丁長育云云按孟珙所稱則
俺巴孩所以被拏送與金人者乃是滅丁之故也
俺巴孩去時別速氏巴剌合赤名字的人說將回去
別速氏出於海都孫別速台

說道你對合不勒皇帝的七個兒子中閒忽圖剌根前

并我十個兒子內的合答安太子根前說

按合不勒是時稱罕耳此以漢語譯之非其實忽圖刺者合不勒之第四子阿勒壇之父太祖從父行也

忽圖刺第六子亦名合答安故以我子別之

我是眾百姓的主人爲親送女兒上頭被人拏了今後以我爲戒你每將五個指甲磨盡便壞了十個指頭也與我每報讐

那時太祖的父也速該把阿禿兒在幹難河放鷹

案契丹國志每歲正月上旬出行射獵冰泮卽縱鷹鵠以捕鵠雁泊多野鵠鵬遠泊驚鵠鵬飛起乃縱海

東青擊之

見篋兒乞氏的人

篋兒乞氏達達之一種居於鄂勒昆河色楞格河之
閒元史太祖紀作篋里乞部元史語解通鑑輯覽均
改作默爾奇斯虞集撰句容郡王世績碑作篋乞思
輟耕錄蒙古氏族有滅里吉歹又有滅里吉均此種
類也

名也客赤列都於斡勒忽訥氏行娶的妻引將來

也客赤列都源流作伊克齊塔圖斡勒忽訥源流作
鄂勒郭訥特塔塔兒之一種也近捕魚兒海子喀爾

喀河而居

也速該把阿秃兒望見那婦人生得有顏色隨即走回家去引他哥哥捏坤太子弟荅里台幹惕赤斤來了。他兄弟每來到時也客赤列都見了恐懼即便打著馬走過了一個嶺轉過了一個山嘴。來到他妻車子跟前其妻說那三個人的顏色好生不善必害了你性命。你快走去。你若有性命呵似我這般婦人有也者。你想我呵再取的婦人就喚做我的名字者說了。就脫下衫兒與他做記念也。客赤列都於馬上方纔接得衫兒見也速該把阿秃兒兄弟三人來了。即便打著馬逆著幹

難河走了

也速該把阿禿兒兄弟三人隨後趕也客赤列都過了
七個山岡趕不上回來了將那婦人裹將去也速該牽
著車子捏坤太子引路荅里台傍著車轅行那婦人名
訶額侖本紀作月倫源流作烏格楞哭著說我的丈夫頭髮不會被
風吹肚腹不會忍餓如今走去呵怎生般艱難哭的聲
將幹難河的水井川裡林木都振動了荅里台幹勒赤
斤對那婦人說你丈夫嶺過得多了水也渡得多了你
哭呵他也不回頭蹤跡尋呵也不得見了你住聲休要
哭因此上將回去與也速該把阿禿兒做了妻

爲塔塔兒毒死烈祖及箴兒乞奪太祖后孛兒帖張
本

因俺巴孩合罕被拿時將合答安忽圖刺兩個的名字
提說來上頭眾達達泰亦赤兀百姓每

太祖紀作族人泰赤烏部源流作岱齊郭特明鄭曉
吾學編曰韃靼北胡也卽夏獯鬻周玃狁秦漢匈奴
唐突厥宋契丹漢時匈奴最强匈奴弱而烏桓遂盛
漢末鮮卑滅烏桓鮮卑旣衰蠕蠕强大與魏爲敵蠕
蠕滅而突厥起盡有西北地唐李靖滅突厥五代及
宋契丹爲盛女真滅契丹號金侵中國稱皇帝其別

小部曰塔塔兒曰克列各有分地云云据此則太赤
烏亦蒙古一部落克列卽本書後文之王罕也

於豁兒豁納川地面聚會著

卽活兒活河也水道提綱曰枯倫河有烏里順河自
布伊爾湖會喀爾喀河諸水來會喀爾喀河出阿魯
他拉奇嶺西麓合三源西南流有活爾活河自南來
會折西北流曰喀爾喀河

將忽圖刺立做了皇帝就於大樹下做筵席眾達達百
姓喜歡繞這樹跳躍將地踐踏成深溝了

後文九卷稱此樹爲髡鬆樹蓋又卽三卷朴木合所

居之崩鬆樹也

忽圖刺做了皇帝同合荅安太子往塔塔兒處報仇行了與闊湍巴刺合札里不花兩人皆塔塔兒部首領厮殺十三次不曾報得仇

蒙韃備錄曰二十年前山東河北誰家不買韃人爲小奴婢皆諸軍掠來者今韃人大臣當時多有虜掠住於金國者且其國每歲朝貢則於塞外受其禮幣而遣之亦不令入境韃人逃遁沙漠怨入骨髓云云以孟珙著書在辛巳年計之則忽圖刺稱罕在寧宗嘉泰二年以前

與塔塔兒厮殺時也速該把阿秃兒將他帖木真兀格
豁里不花等擄來那時也速該把阿秃兒的妻訶額侖
正懷孕於斡難河邊迭里溫孛勒答黑山下生了太祖
迭里溫孛答元史作跌里溫盤陀朔方備乘曰敖嫩
河東流集爾渾河自北來入之集爾渾河出卡倫外
巴彥珠爾克山南流逕集爾渾卡倫東云云集爾渾
似卽迭里溫之對音盤陀譯言山也孛答與盤陀爲
對音字矣

太祖生時右手握著髀石般一塊血生了

蒙韃備錄曰韃主忒沒眞乃舊牌子頭結裏之子牌

子頭者乃彼國十人之長也。牌石所以擊免。詳見後文三卷。

因據將帖木眞兀格來時生故就名帖木眞。

元史本紀作鐵木眞語解。改作特穆津。謂鐵之最精者也。本紀曰：烈祖征塔塔兒部，獲其部長鐵木眞宣懿。太后月倫適生帝，手握凝血如赤石。烈祖異之，因以所獲鐵木眞名之。志武功也。蒙驍備錄曰：今成吉思皇帝甲戌生，所傳武沒眞乃小名爾初，無姓氏亦無名諱。

訶額倫生了四個兒子：一名帖木眞，一名合撒兒，一名

注往同名後來
雖有諱法之行
不過臨文略缺
點而止士大
夫間亦不甚講

合赤溫一名帖木格一個女兒名帖木侖

合撒兒源流作哈薩爾帖木格後文每稱曰幹赤斤
譯言少子也

帖木眞九歲時合撒兒七歲合赤溫五歲帖木格三歲
帖木侖女子正在搖車內有來

蒙韃備錄曰成吉思皇帝以甲戌生兄弟凡四人成
吉思居長大皇帝陣亡二皇帝名便古得那三皇帝
名忒沒葛眞案忒沒葛眞卽帖木格便古得那當卽
別勒古台大皇帝似卽合撒兒後文八卷札木合稱
爲拙赤合撒兒拙赤卽大太子也輟耕錄曰烈祖諱

按別克帖兒事
詳卷二則以爲
陣亡者亦傳謠
也

也速該生太祖皇帝又生溫王捌只哈撒兒又生濟
王哈赤溫又生鐵木哥斡赤國王卽斡真那顏又生
廣寧王別里古台卽李魯古歹元史宗室世系表烈
祖神元皇帝五子長太祖皇帝次捌只哈兒三哈準
大王四鐵木哥斡赤斤所謂皇太弟斡嗔那顏者也
五別里古台王案哈準卽合赤溫而無別克帖兒所
云陣亡或指此邵學士遠平元史類編曰烈祖女帖
木侖適李禿亦乞列氏李禿善騎射太祖初嘗遣朮
兒徹丹出使過也兒古納河李禿知之會日暮止宿
殺羊爲食復假以良騎朮兒徹丹歸具以告太祖大

明李謂飛龍漫
節曰今人眠小
兒竹籃名搖籃
又曰郭景家塾
事親曰古人製
小兒睡車曰搖
車以兒搖則睡
故也蓋搖車即
搖籃

明金幼孜後北
征錄曰雙泉海

喜妻以皇妹亭禿有馬三千請以半爲聘皇妹號昌
國大長主薨太祖復以皇女火臣別吉爲繼國朝
吳振臣甯古塔紀略曰生子滿月下搖車如吾鄉之
搖籃其製以飾板圈做兩頭每頭兩孔以長皮條穿
孔內外用彩畫并懸響鈴之類內墊薄板懸於梁上
離地三四尺用帶縛定小兒使不得動哭則乳之不
已則搖之口念巴不力如吾鄉之嘎啫啫也

帖木眞九歲時他父親也速該將他引往母舅幹勒忽

訥氏處索女兒

詞額倫外家

與帖木眞做妻到扯克撒兒赤

忽兒古名字的兩山間

開撒里怯兒元
太祖發迹之所
極密建宮殿山
川環繞有三海
子西北有三關
口通飲馬河土
剌河

二庫亦多

卷一

三

兩山在克魯倫河之旁岷峩山人譯語曰元還朔漠
一傳愛猷識里達臘再傳脫古思帖木兒爲也速迭
兒所弑洪武中天兵往討其罪追至撒撒兒山又曰
撒撒兒山洪武中總兵官周興征胡自兀者河追至
此山下云云卽此扯克撒兒山矣

遇著翁吉刺氏人德辭禪

金史地理志撫州柔遠縣有昂吉樂卽翁吉刺也事
物異名鶯鶯蒙古語曰昂急兒蓋其地有鶯鶯湖蒙
古語名昂吉兒淖爾居其地之人因以翁吉刺三字
爲姓氏也元史紀傳作宏吉刺氏辭禪源流作岱徹

辰徹辰卽薛禪對音元黃滔文獻集別里哥帖穆爾
神道碑曰薛禪者華言大賢也木華黎傳薛禪華言
大賢也又畏荅兒傳曰薛禪者聰明之謂也輟耕錄
蒙古氏族有瓮吉刺歹有瓮吉歹又有永吉列思皆
翁吉刺氏也特薛禪傳曰特薛禪姓孛思忽兒初弘
吉刺氏孛思忽兒世居朔漠本名特因從太祖起兵
有功賜名薛禪故兼稱曰特薛禪女曰孛兒台太祖
光獻翼聖皇后子按陳從太祖征伐凡三十二戰賜
號國舅按陳那顏賜銀印封河西王蒙韃備錄曰拙
赤那兒封尙書今乃成吉思后之弟部下亦有

騎軍

德辟禪問說也速該親家你往那裏去

是時未爲親家此史氏追敘之詞

也速該說我往這兒子母舅斡勒忽訥氏索女子去德辟禪說你這兒子眼明面光有

我昨夜夢見一個白海青

契丹國志曰女真東北與五國爲鄰五國之東鄰大海出名鷹自東海來者謂之海東青小而俊健能擒鵝鷺爪白者尤以爲異北盟會編曰海東青者出五國之東每歲發甲馬千餘人卽東海巢穴取之與五

草木子曰海東
青鶴之至俊者
也出於女真在
遼國已極重之
因是起變而契
丹以亡其物為
珍天鵬飛放時
旋風羊角而上
直入雲際能得
頭者元朝宮
裡賞鈔五十錠

國戰鬪而後得元史地理志曰合蘭府水達達路有
俊禽曰海東青由海外飛來至奴兒干土人羅之以
為土貢輟耕錄曰白湛淵琤詩曰海青羽中虎燕燕
能制之小隙沈大舟關尹不吾欺海青俊禽也而羣
燕緣撲之即墜物受於所制無大小也柳邊紀略曰
海東青者鷹品之最貴者也純白為上白而襍他毛
者次之灰色者又次之

兩手擎著日月飛來我手上立我對人說日月但曾眼
見如今這白海青擎日月來到我手上必然好也速該
親家原來你今日將這兒子來應了我的夢必是你乞

乞顏居是奇地故之
對音

顏人的吉兆

其稱烈祖爲乞顏者以烈祖之兄忙格禿是時稱乞顏也

俺翁吉刺家在前日子裏不與人爭國土百姓

契丹國志曰正北至蒙古里國無君長所管亦無耕種以弋獵爲業不常其居每四季出行惟逐水草所食惟肉酪而已不與契丹爭戰

但有顏色的女子便獻與您皇帝人家后妃位子裏教坐有來

元史后妃傳曰特薛禪子按陳賜號國舅封王爵有

正后皆用元朝
利氏自太祖與
其族帳設於同
取天下世用其
女爲后自正后
之下復立兩宮
其制亦曰二宮
皇后三宮皇后

旨生女爲后生男尙公主世世不絕明王光魯元史
備忘錄曰特薛禪宏吉刺氏從太祖起兵有功女世
爲后太祖憲宗世祖二成宗武宗仁宗泰定文宗順
帝皇后皆宏吉刺氏

大凡結親呵兒孩兒便看他家道女孩兒便看他顏色
也速該親家我家裏有個女兒年幼小哩同去看來就
引到他家裏去了

到他家裏見了他女兒生得好也速該心裏喜歡其女
子十歲大帖木真一歲名孛兒帖

源流作布爾德是爲光獻翼聖皇后元史后妃列傳

曰太祖光獻翼聖皇后名旭真弘吉刺氏特辟禪女也特辟禪與子按陳從征有功太祖賜號王爵以統其部約生女世世爲后生男尙公主世祖至元三年十二月追諡

當日就在他家宿了第二日也速該問他索這女子辟禪說豈多遍索了與呵便重少遍索了與呵便輕大凡女孩兒生了老在家裏的理無我將女兒與你兒子你兒子留在這裡做女婿兩家相從了也速該說我兒子怕狗休教狗驚著就留下他一個從馬做定禮去了

也速該回去到扯克扯兒地面扯克撒山遇著塔塔兒

每做筵席因行得飢渴就下馬住了不想塔塔兒每認得說也速該乞顏來了因記起舊日被擄的冤仇暗地裏和了毒藥與喫了也速該上馬行到路閒覺身子不好了行了三日到家越重了

也速該說我心裏不好我近處有誰當有察刺合老人的子蒙力克

海都孫晃豁壇後也蒙力克源流作莽古里克元史忠義傳伯八兒祖明里也赤哥卽蒙力克也

就喚來對說我兒子每幼小將帖木真去做女婿回時被塔塔兒家暗毒害了我心裏好生不好你兄弟每行

嫂行照觀的你知者我兒子帖木真快與我取來說罷死了。

元史紀曰也速該崩至元三年十月追謚烈祖神元皇帝。

元朝祕史卷一